



**Damain accidents sin las vias grischunas il 2014, persuerter daplis accidents mortals.**

MAD

# Dapli accidents mortals

DA GION NUTEGN STGIER / ANR

■ **Sin las vias dal Grischun èn capitads durant l'onn passà circa 10% damain accidents da traffic che l'onn precedent. Total en quai 2202 accidents. Tragic è il fatg che passa in terz dapli accidents da traffic han gì ina fin mortala. En tut han pers 16 persunas lur vita. Er il dumber da las persunas blessadas è s'augmentà per circa 5%.**

La statistica d'accidents na dastga betg vegnir chapida sco preschentaiziun absoluta dals accidents effectivs, ha punctuà *Barbara Hubschmid*, scheffa da la polizia da traffic dal Grischun, ier a caschun da la conferenza da medias. Ch'ils accidents che na vegnian betg annunziads a la polizia na sajan betg registrads en la statistica, ha cuntinuà Hubschmid. *Walter Schlegel*, il cumandant da la polizia chantunala dal Grischun, ha ditg per introducir che a maun dal dumber d'accidents ve-

gnian definidas bunas mesiras per prevegnir accidents. Cun agid da questas cifras fa la polizia chantunala dal Grischun in'analisi dals accidents e da las ristgas ed eruescha uschia il basegn d'agir, ha ditg *Walter Schlegel*. Sch'ins considerescha las persunas participadas als accidents e las reparta tenor gruppa da vegliadetgna, vesan ins che la gruppa tranter 17 e 28 onns, sco er quella tranter 49 e 57 onns èn stadas participadas il pli savens ad accidents da traffic, ha declerà Hubschmid. Bler pli vasta saja la dimensiun tar las persunas disgraziadas mortalmain. Quella sa chattia tranter set ed 81 onns.

## Ils plis accidents succedan sin las vias principalas

L'onn passà èn vegnids annunziads a la polizia chantunala total 2202 accidents e quai èn en cumparaziun cun l'onn avant tuttina 10% damain accidents. Cun 679 persu-

nas blessadas è quel dumber s'augmentà per 5%. Da quellas persunas blessadas eran 76 grev blessadas e 603 lev blessadas. Tragic è lura ch'il davos onn da traffic èn mortas sin las vias grischunas 16 persunas e quai èn quatter dapli che anc il 2013. Da quellas 16 persunas che han pers lur vita sin via èn gist set motociclists. Dals 2202 accidents èn succedids ils plis ditg pli exact 1205 sin vias principalas. Sin vias lateralas èn quai stads 693 accidents e sin l'autostrada 97 accidents. En 35,6% dals accidents èn er involvads animals, cunzunt selvaschina. 1463 èn capitads sin vias sitgas e 1230 lura dis da bell'aura. Tar ils 2202 accidents èn stads pertutgads per gronda part autos da persunas. Tar 110 accidents stevan ils automobilists sut alcohol e quai èn tuttina 24% damain che anc l'onn avant. Novizs automobilists en er l'onn passà stads quels che segnan il pli savens per accidents da traffic.